

«O‘zdonmahsulot» aksiyadorlik kompaniyasining 2016 yil ikkinchi choragi bo'yicha iqtisodiy ko'rsatkichlari

Iqtisodiyotda tub tarkibiy o‘zgarishlarni amalga oshirish, modernizatsiya va diversifikatsiya jarayonlarini izchil davom ettirish bo‘yicha belgilab berilgan ustuvor vazifalar asosida kompaniya va tarkibdagi korxonalar iqtisodiy o‘shishning yuqori sur'atlarini ta'minlash, yangi quvvatlarni ishga tushirish, mavjudlarini zamonaviy yangi texnologiyalar asosida modernizatsiya qilish, tarmoqni diversifikatsiya qilish, import o‘rnini bosadigan hamda eksport qilishga yo‘naltirilgan raqobatbardoshli mahsulotlar ishlab chiqarish borasida keng qamrovli ishlar tashkil etildi.

Tarmoq korxonalarini modernizatsiyalash va yangi quvvatlarni jalb qilib, ishga tushirish, yangi zamonaviy texnologiyalarni joriy etish, ishlab chiqarishni diversifikatsiyalash, axborot kommunikatsiya vositalarini joriy etish ishlariga alohida e'tibor berildi.

O‘zbekiston Respublikasi Prezidentining 2015 yil 25 dekabrda «O‘zbekiston Respublikasining 2016 yil uchun Investitsiya dasturlari to‘g‘risida»gi PQ-2458-sonli qaroriga muvofiq tarmoq korxonalarida jami 6 ta investitsiya loyiha amalga oshiriladi.

Hisobot davrida korxonalarini modernizatsiya qilish va yangi quvvatlarni ishga tushirilishi bo‘yicha jami 7 ta loyiha amalga oshirildi, jumladan PQ-2458-sonli qaroriga asosan 3 ta loyiha «G‘alla-Alteg», «Buxorodonmahsulotlari» va «Navoiydonmahsulotlari» korxonalarining tegirmon sexlari zamonaviy yangi texnologiyalar asosida modernizatsiya qilinib, ishga tushirildi.

Shuningdek Vazirlar Mahkamasining 2015 yil 22 sentyabrda 05-05-41-2 sonli bayoniga muvofiq «Jizzaxdonmahsulotlari» korxonasida yangi texnologiyalar asosida non ishlab chiqaradigan 1 ta yangi sex ishga tushirildi.

Hududiy dasturlarga asosan 3 ta non mahsulotlari ishlab chiqaradigan yangi sexlar «Asaka don mahsulotlari», «Jomboy don mahsulotlari» va «Don xalq rizqi» korxonalarida ishga tushirildi.

Vazirlar Mahkamasining 2015 yil 7 avgustda 233-sonli qarori asosida «Xovos don mahsulotlari» korxonasida qumozlangan (granulla) omixta yem ishlab chiqarish sexi ishga tushirildi.

2016 yilning birinchi yarim yilligida 31 mlrd 676 mln so‘mlik kapital mablag‘lar o‘zlashtirildi hamda 48 ta yangi ish o‘rinlari yaratildi.

Mahsulot ishlab chiqarish o‘shish sur'atlarini bajarilishi bo‘yicha:

Tarmoqda taqqoslama narxlarda o‘tgan yilning shu davriga nisbatan sanoat mahsulotlari ishlab chiqarish o‘shish sur'ati 107,6 foiz va xalq iste'mol mollari ishlab chiqarish o‘shish sur'ati 102,9 foizni tashkil etdi.

Mahsulot ishlab chiqarish natijalarida un ishlab chiqarish o‘tgan yilning shu davriga nisbatan o‘shish sur'ati 95,4%, omixta yem o‘shish sur'ati 101,2%, non va nonmahsulotlari o‘shish sur'ati 118,2 %, makaron mahsulotlari o‘shish sur'ati 100,9% .

Tarmoq korxonalarida Axborot kommunikatsiya texnologiyalarini joriy etish bo‘yicha:

Vazirlar Mahkamasining 2013 yil 31 dekabrda «O‘zbekiston Respublikasida axborot-kommunikatsiya texnologiyalarini rivojlantirish holatini baholash tizimini joriy etish chora-tadbirlari to‘g‘risida»gi 355-son qarori bilan tasdiqlangan rasmiy veb-saytga qo‘yiladigan asosiy talablarga muvofiq kompaniya sayti takomillashtirildi. Baholash tizimini yanada oshirish maqsadida interaktiv davlat xizmatlari portalidagi jismoniy va yuridik shaxslarning murojaatlarini muddatlarida ko‘rib chiqish, hujjatlar aylanish tizimi samaradorligini oshirish hamda mutaxassislarini axborot texnologiyalaridan foydalanish bo‘yicha malakalari oshirilib borilmoqda.


Kasb-hunar kollejlari bilan hamkorlik aloqalari, xodimlar malakasini oshirish bo‘yicha:

1. Joriy yilda kasb-hunar kollejlari bilan hamkorlik aloqalarini davom ettirish, o‘quvchilarning ishlab chiqarish amaliyotlarini tashkil qilish, bitiruvchilarni ishga joylashtirish bo‘yicha respublikadagi 16 ta qishloq xo‘jaligi kasb-hunar kollejlari tizim korxonalariga birlashtirildi. Ushbu kollejlarni joriy yilda 4293 nafar o‘quvchi bitiradi.


Hisobot davrida «Bitiruvchi - kollej - ish beruvchi» o'rtasida uch tomonlama shartnomalar tuzildi. Hozirgi kunda ushbu bitiruvchilarning ishlab chiqarish amaliyotlari tegishli korxonalar va tashkilotlarda o'tkazilmoqda.

2. Korxonalarda mehnat unumdorligini oshirish, ularni zamonaviy texnologiyalar asosida ishlovchi malakali ishchi va xizmatchilar bilan ta'minlash maqsadida 610 nafar xodim tegishli ta'lim muassasalari va malaka oshirish kurslarida o'qitildi.


2011-2016 yillarda non va non mahsulotlari ishlab chiqarish dinamikasi



2011-2016 yillarda makaron mahsulotlari ishlab chiqarish dinamikasi



**2011-2016 yillarda omuxta yem
mahsulotlari ishlab chiqarish dinamikasi**



**2016 yilning birinchi yarim yilligidagi
ishlab chiqarish ko'rsatkichlari**

<u>Ko'rsatkichlar</u>	<u>O'sish sur'ati %</u>
<u>Sanoat mahsulotlari ishlab chiqarish</u>	107,6
<u>Xalq iste'moli mollari ishlab chiqarish</u>	102,9
<u>Un</u>	95,4
<u>Omuxta yem</u>	101,2
<u>Non va non mahsulotlari</u>	118,2
<u>Makaron mahsulotlari</u>	100,9

**2016 yilning birinchi yarim yilligida
yaratilgan qo'shimcha ish o'rinlari**

	<u>Soni</u>	<u>%</u>
<u>Kasanachilik asosida</u>	310	111,9
<u>Investitsiya dasturi bo'yicha</u>	28	127,3
<u>Tarmoq dasturi bo'yicha</u>	97	285,3
<u>Jami yaratilgan ish o'rinlari</u>	435	130,6